

養

浩

齋

詩

稿

養浩齋詩評

同懷兄弟青萬贊文編次

山陽汪相國師文端公曰沈痛處見性之旣斷制處見識之卓

無錫秦小峴司寇

選入

江浙詩存序曰丹盟非經濟

之書不讀非忠孝之事不言操筆爲詩文原原本本隨

真氣流露不矜標格不尙藻繪自然感人豈吟風弄月

家所及

選八十
七首

陽湖陸祁生明府

緒

曰開卷詠古入詩足見作者懷

抱矣傾倒欣愉不覺愈我肝疾又曰讀勅車行已極凄

惜讀紀

恩八章不復能制淚矣又曰具稜直逼漢魏又曰短章
皆有風雨離合之勢

新化鄧湘臯孝廉

題詞

曰與丹盟別十年矣道光乙酉

以與修安徽通志共事皖城出大集見示窮日讀之如
素琴在抱皓月當空又如霜角曉吹秋聲滿野

侯官楊雪叔方伯

庚戌

戊戌祀竈日次樂城贈詩曰十

丈征塵浣客衫逢君風骨迥非凡千家煬竈黃羊融一
卷鄉媪柴鴛函工在煉金沙細沈意如培竹草嚴菱爨
童莫便陳觴酒且把華篇飽老饒豈角霜天清復清等

言洗耳聽鏘鳴中聲千古在天下筆一言關性情皮

骨間誰知學杜機雲難得此連荆

兼示令兄楮月山房詩鈔

九華山

色芙蓉萼靈秀剛鍾兩弟兄親署吟牋養浩齋氣能善

養始無乖江河壯濶源流遠官徵贈吟正變偕敢把藻

華掩風骨應唾傀儡只形骸平生愛讀新詩本重別殘

燈照爲措莫嫌百里因鳳鸞父母斯民是此官聞有德

音齋山祀知無素食諳河植蕤蔥辣性消磨易桃李濃

陰長養難循吏儒林雙傳合千秋讀史爲君看次日又

寄詩曰猶得今生見相逢不恨遲一篇新樂府卅載舊

經帷廉讓盟心日河梁執手時論文留後約珍重語臨

岐

銅陵何著培農部順之曰先生之詩境如白雲在天
波無極又曰讀先生詩可以令人痛哭一字一淚一字
一珠語語如畫情景極真皆至性至情流露結成千古
不朽文字豈偶然哉

南海桂星垣太史

文燿

曰樂府諷諭忠厚深得風人之

旨而音節諧亮古藻紛披尤徵遠學古近體鑪冶在心
籠罩萬變其中原本忠孝關心民瘼足覘宏負儒林循
吏蓋能兼擅也

平湖朱小雲觀察

玉林

題樂城紀事詩後曰勤求民瘼

實心難誰似丹盟一寸丹為語當途加拂拭風塵此是
讀書官秀才刀筆逞姦欺藪伏須教莫遁辭絕妙訟庭
親策士墨供硃問出神奇丹盟創硃問墨供之法自濬浚河潦患
除山田高下闢新畝使君督勸如家事更課三農種樹
書

莆田林帖瞻比部

揚祖

曰癸巳歲從徐晉希水部處議

丹盟先生後於吳竹如比部齋頭觀先生制義精深似
趙明遠堅緻似儲理質讀之不肯釋手今使車道出樂
城索詩集快讀之李杜文章光燄萬丈不肯作長慶以
後之音先生學有根柢詩特緒餘異日得盡其才以行

所學富有文章經濟凌轍古人者豈僅以詩名於世哉
寧陽黃石琴觀察思形曰丹盟先生文壇耆宿當代作
者庚子夏余奉使出欒城幸得快讀其詩文復以未刻
詩彙見示宗漢魏祖李杜涉獵百家自成一體所謂脫
盡時人面孔方可入古者矣程期敦迫流覽一過未能
窮其佳妙憶昔于役過池州雨中經望華樓下遙望五
老峰在烟雲縹緲間每以未識真面爲憾今於先生詩
亦云

長沙李雙圃方伯

象鳴

曰余過欒城丹盟以北道主人

來謁談論移晷知其人通政體識時務者因檢摺紳於

其姓名上大書書味益然四字誠愛之也出所著各種
示令各閱數章文清空古今體有卓識試帖典雅不落
時詞真奇才也此行也歸過武陵將持以問之湘臯
長白福元修學士濟題曰老宿縱橫翰墨場一編千古
煥珠光文扶八代瀾回手詩重三吳錦作腸愧我姓名
聯雁塔羨君風雅振龍岡照人冰雪塵能撲深惜雲烟
過眼忙

同懷兄鴛文廣文

青萬

曰余與弟幼攻舉業奉祖父庭

訓終年切磋自戊辰弟登賢書余亦遠遊聚散無定每
聚時各出詩文推究癸巳弟通籍試姑蘇余視食廣陵

僅一見後宦北燕不晤者九年癸卯冬奉

簡命守揚明年余來觀政則相聚如髫齡矣弟勤於政
事欲效古循吏之所爲而常若未逮郡人士羣以仁智
勇稱之視向之循聲自北來者何如目覩爲快也公餘
以養浩齋未刻詩稿屬訂大約吾弟古今體詩寢饋杜
陵近復參以彭澤而皆自出機杼無規仿痕其至性至
情則三百篇之遺也至樂府獨往獨來幾幾數百年僅
見之作其殆有天授耶

玉田孫雲溪太史

晉城

曰風雲月露之詞誰不解道所

難者眞耳無眞學問則無眞識見無眞本領則無眞氣

力大作以絕大本領據寫胸中學問隨手拈來皆有眞識見以貫之眞氣力以行之昔人謂少陵一肚皮忠憤於詩發之吾謂先生一肚皮經濟亦於詩發之

同懷弟子穀廣文

載書

曰吾兄紀事詩有三絕凡詩敘

爭易平而獨健絕易俗而獨雅絕易冗而獨簡絕忽起忽落忽合忽離蘊藉冲融游行自在令人忘其爲詩而只覺敘事之明又令人忘其爲敘事而但見爲詩之妙殆於詩中獨闢一境當與陸宣公四六奏事並有千古

養浩齋詩稿卷一

貴池桂超萬堦

詠古八首

磊磊金剛石不受物摧折一遇羚羊角擊之終瓦裂本
非精粹姿焉能不磨滅信哉眞守難歷久試勁節謝朓
避徵書輕舟自詣闕

漢文尙恭儉四海如春陽明時而痛哭賈生毋乃狂狂
言亦何罪苦口知良方脫用狂夫謀七國焉跳梁齊侯
牛山遊晏子笑于旁須知笑亦哭冷眼皆熱腸

莽莽蘿藤叢蔓延蒲原隰依草而附木牽引相比暱松

柏同一林樹樹皆傑出枝柯豈不交無須倚物立君子
常澗疎小人自稠密

山雞冒爲鳳孔雀冒爲鸞質非而貌是文彩空濡翰歆
雄富書笥潘陸登詞壇粉飾豈不工說理終渺漫浮萍
本無根結實良獨難

安得周處劔入溪斬潛蛟安得崔暹棒入鄉擊強豪潛
蛟伏溪壑尺水生波濤強豪制鄉里寸舌藏剛刀

楊花著楊枝比附自相得一朝辭樹飛化作池萍碧雜
花尙依根爾去渺無迹輕薄亦猶人變幻不可測昔日
爲雷陳今日爲秦越荒蕪陸贄莊淒涼任昉宅故交豈

云寡無人念舊德身後安足論及身猶下石

黃河欲歸海瀉入東南來大海不爲壑乃向圩田開王
尊廬金隄水波亦漸迴補苴豈無術誠心澹其災守吏
日高歌鴻聲空自哀

隸人豈知驥虞人豈識麟鴉雀以爲瑞爰居以爲神和
璧乃自獻別足匪由人投好依葉公眞龍已輕身世無
鍾子期抱琴宜自珍

九華

造化亦奇絕芙蓉生石巔秋風忽吹動紫氣成雲煙老
衲空脩佛名山屬謫仙斯人且顛顛吾欲問青天

讀史偶書

徐生遣後又盧生東望蓬山禱祀誠底事天仙祕靈藥
不教親見入關兵

雜詩二首

天邊有惡鳥一舉冲雲覓虎視下林谷同類爲粉齧雙
飛乍失羣終夜聞悲啼豈無黃金彈望之隔雲泥我欲
入雲擊惜哉無階梯

湘江生荷蘭素心獨清絕同岑有江蘼氣味與之淡賈
叢入其叢宿穢漸銷滅空江無人知孤芳亦未歇我欲
渡江采惜哉無舟楫

望鶯文四兄

青萬

歸舟

東風吹綠滿江流
江樹玲瓏望客舟
聞說嶺梅開未了
爭教何遜別揚州

謁黃侍中祠

鐵騎軍聲忽渡河
孤臣擊楫奮悲歌
雷霆怒賊朝書檄
風雨勤王夜枕戈
碧血全家餘石跡
忠魂萬古作江波
子澄誤主翻逃竄
徒死其如社稷何

黃侍中祠內血影石歌

并序

侍中諱觀靖難兵入時募兵上游燕王收其夫
人翁氏并二女給配象奴夫人以金釧給奴換

酒出攜二女死通濟橋下流至賽虹橋拳猶相
抱不解初夫人投水時嘔血石上遂成小影象
相戒大士像勿踐僧鼻入庵供焉一夕見夢曰
我黃狀元妻也比明沃以水影愈明有愁慘狀
後吾邑人建侍中祠於金陵移石祠內祀之今
尙存

君不見靈胥投江爲洪濤屬鏤怒飛蛟龍號又不見瀟
湘蒼竹多淚痕上樓娥皇文英之貞魂金陵城高入飛
燕江上募兵公沒戰夫人二女羅網羅象奴狂狻將柰
何紿奴遠去憑劍斂狂尋生路惟秦淮人世要求此心

活一生一死非形骸南望江雲萬重濶援師不來羽書
絕但聽風聲水聲雨嗚咽心知公矢屈平節攜女入淮
淮水裂淮水滙江江倒流皖公臺下誓同穴嗟哉此身
無由化爲石對石空啼杜鵑血血光明潔精魂凝冰肌
玉貌如平生象疑大士現真相焚頂燒指來輪誠蓮花
夜酸禪房清枯僧夢裏驚天聲愁眉深鎖孤月瘦長恨
欲訴冤禽鳴雷霆一擊天日晶乃知夫人赫赫之英靈
嗚呼石縱能言亦何補終日呼天天無語金川門外鬼
嘯煙寒虹橋野猿嗥雨白帽緇衣安在哉金支翠旗忠
魂來君不聞玉簫吹徹東山頭空中環珮鏘琳瑯左提

右擊拳猶抱騎鯨上下江淮流江淮流水縱涸竭石上
之影無時滅

出門

行雲停故岫飛花戀故株生小未離鄉一步一踟躕曉
鐘光熒熒拜別上階除階上拜詞母母曰兒勉諸兒貴
分內事面目毋改初貧窮亦勿忘我甘園中蔬再拜阿
爺前欲語先長吁出山泉易濁近墨絲易濡饑寒慎所
依莫向豪門趨阿娘道兒行善保骨立軀水行防風波
山行防崎嶇阿兄少同礪茲行弗同草勉我友善士敬
事賢大夫荆妻檢輕裝叮嚀勤寄語弟紛羅前牽衣

遮堂途檐際舞晴雪晨星亦已孤仰視離羣雁隔渚猶
相呼歲暮行人歸遊子乃長驅長驅莫神傷行與阿叔
俱阿叔領東閣梅花開何如

家二叔時爲甘泉
廣文擬同北上

江梅

江上寒如此霜梅亦著花吾家舊林塢滿樹古煙霞昨
夢騎孤鶴南飛入九華一聲蘭櫂響春信在天涯

旅夜有懷

獨客不成寐朔方秋已寒舉頭望河漢長夜自波瀾
遠歸雲急林深得月難征鴻忽南向羨爾有輕翰

都中送張侶衡應揚同年南旋

欲別翻無語 天涯君獨還 爲憐羈旅苦 不道去程艱 缺
月寒宵榻 孤燈候曉關 同歸成幻夢 依約到黃山

接家書

梅花深處是吾郎 寄得新香入酒尊 有母尙煩操杵苦
添丁又累晴雛恩 八月廿二日 長男進琛生 可曾暇菽頰 加飯應事
舍飴不倚門 風雪莫愁天外冷 年來南北等寒溫

秋夜望雲歌

山雲出石峯 巍峩我將登高我 馬蹉江雲逐水掀 洪波
我將駕梁無道盟 白衣蒼狗奇幻多 焉知前路非坎軻
嗟哉百年同校功名富貴浮雲過 雲爲車輪風爲珂

朝發易水夕黃河我身無翼行逶迤安得乘此歸山阿
北山有杞南山栽紫荊樹上憑烏窠望而不見傷如何

旅館

旅館思親夜漏長一窗霜月檢書囊客衣尙有臨行線
沽酒云何典鷓鴣

出都晉別汪杏園裕仁明經暨桐軒廷獻舍人二

首

都門星聚兩年間客裏何勞解珮環君有芳情似明月
清輝一路到鄉山

作客長安心事違驚聞親恙合旋歸此身但願爲秋雁

遷逐東風向北飛

紡車行

江南多木棉，輕煖勝齊純。慈母勤夜紡，孤燈懸闌干。體
皚潔白華，照見冰雪肝。線斷使復績，車毀使復完。車影
似明月，一輪何團圓。月輪四更落，車輪仍盤桓。線影如
銀河，九折迴波瀾。波瀾無已時，得成布一端。裁布製兒
衣，賣布供兒餐。兒食日二盃，母食日一簞。兒身著新襖，
母身蘆衣殘。時紡時諄讀，晝夜呼兒看。漸教五絃線化，
爲五色輪。計偕兒北行，拜別具儒冠。門外牽兒裙，十指
盡成癡。不畏操作苦，翻畏關山難。母心如飛轂，母手如

鞠丸病亟牀蓐冷還慮兒身單命取尊上線縫衣寄長
安衣線長在身縫者骨已寒彷彿夢魂中乳乳聲未闌
秋林聽絡緯飛鳴猶悲酸酸風吹淚雨此淚何時乾

剗臂行爲揚州孝女家三姑作

孝女一何愚仰天終日呼天耳聾不我俞天醫遠隔雲
衢安得仙藥來蟾蜍母體一兒體兒軀一母軀誓將兒
代母何爲惜區區不惜肝膽敢愛皮膚兒肥母瘡分榮
潤枯雲沈晝閣閉月暗寒鐙孤右手揮白刃左臂流紅
珠吞聲和淚煎金盞其奈白日淪西隅嗟哉孝女一何
愚

自維揚寄胡文茂南明經

春風吹綠波，邗江發蘭杜。蘭杜生古香，思君在秋浦。昔
我入可園，論文夜然炬。開窗面好山，山缺月輪補。月映
四檐冰，人在冰壺貯。清影蕩梅花，照君顏色古。手折投
我懷，芳氣沁肺腑。折處枝重生，今春開幾許。可園胡公別墅

送春寄八弟延齡錄萬九弟子毅

鐘樓報曙且遲遲，一刻千金繫去思。今夕春光留不住，
惜春須及早春時。

梅子吟

梅花孕自冬，梅子結自春。春氣消積寒，條風亦已溫。嗟

歲時寒日凍折餘孤根豈不惜艱苦獨力支乾坤扶養
成碩果鼎竊資調勻陳之在豆籩可以告明神將之在
筐篚可以綏嘉賓子長今鼎鼎花開今何存怪底本性
在其中含酸辛高枝合保護固蒂以全真不熱人斯棄
恐孤天地恩

河兵記三首

莫望河更潔日汲河水賤河水是貪泉年年作金穴
河水挾泥沙泥沙多於泉昔用金鈿刷今用金錢填
自誰撤保障招得西風浪我聞高克來逍遙在河上

聞警四首

烽燧驚聞起沫東請纓空欲奮終童百年鉉甲人多怯
十載穿墉吏盡罄已識須臾屠瘼狗可憐億兆聽嗷鴻
老謀喜有劉都轉定計焚巢用火攻

劉公清用火
破賊

鴟音久靜禁林叢蜂小難防出袖中
彗孛敢侵華蓋座風雷幸護紫微宮
九門雜沓誰司鑰三衛倉黃尙執弓
皇子乃煩親禦敵先張義勇愧元戎

欲防飛鳥始桃蟲幾處妖言煽惑工
曾執干堅死節誰教賣劍專農功
殲渠業使狼心墮漏網難搜鯨穴空
殺賊莫驅民作賊曲江一疏大臣風

謂學使張公
展上疏

九重觀聽最明聰上賞休將虛級蒙
何物虛循作狐鼠

我軍揚業奮熊

謂提督楊公遇春

南營早守黃河險
西竄應

防函谷道一紙

詔書深罪已羣公何以慰

哀衷

維揚送孫籥雲驥茂才還宿遷

念子爲舟去河冰凍未開
文章見眞性衣食困清才
余亦望雲切誰憐
冒雪回烽煙鄰爾郡日盼捷書來

聞捷二首

昨宵喜不寐捷書來河東上喜紓

帝憂下喜蘇困窮征婦停砧聲
寄衣已無庸歸來解征

袍湔去戰血紅流民負擔回幸脫羅網中舊里陷爲隄
舊廬化爲烽飛鳥一失巢何以托故叢鑄戟備耕具及
時勸春農

烈火方始炎杯水可撲滅金隄察微隙撮土彌其缺須
臾不爲防滅頂而爛額小醜何能爲煽動起邪說秦鏡
苟燭奸賊膽早摧裂可憐一城破已飲萬人血蔓延亦
既長餘風恐未歇守牧須冀黃四海靖遺孽

出都留別汪伯庚

錫章

茂才

攜手永今夕明朝燕楚分寒鐙三載夢古曲幾人聞
罷盪殘月吾歸卧白雲升沈知分定何事問靈氛

車中夜行

空窗明月照荒_山邨畔猶餘舊壘存策蹇無須怨歧路
太平被放亦

君思

與族叔蟾林

一論

秀才從兄薌巖

樹業

孝廉話及

族中貧况詩以商之

何以富族人莫如能守貧何以能守貧莫如四體勤少
小戲邨落書聲比戶聞歲時糴穀米家家盈倉困昔何
饒裕今何迫昔衣粗布今細帛細帛穿敝粗布無從此
嗷嗷同饑鳥我願東畝深耕秋收粒粒皆瑤瓊我願

南山息斤斧林木所生百貨聚君不見遠祖過一公走
馬秋浦名山中十年生計成富庶繞屋手植千桑叢詩
之干又_不見近祖仙石翁梅邨新築半畝宮稼穡之外
寶一卷井泉溪水流無窮梅邨前有天
井後有仙溪

齊山

我疑天上飛來瓊瑤宮月窟忽與人間通吳剛運斤七
寶合千戶萬牖穿玲瓏又疑壺公南謫將壺擲化作空
明萬重石不然何以一洞一乾坤別有日月升崑崙齊
相社公風流吏如爲名山開幽祕岳侯遊後華公來英
風千古相追陪往往登高發長嘯忠魂彷彿空中回玉

簫鐵笛一聲響寒林萬樹梅花開手把芙蓉玉梯上招
我同登百尺之樓臺樓臺縹緲高無極海上神山勢難
斷雲車風旆須臾收余亦緣崖着歸屐

百牙山樓同姚鐵舟

朔

黃贊霖

永

和

兩茂才小飲

喜見中州又止戈滿城簫管動春和九華雲瀉湖邊樹
雙塔影搖江上波白眼每愁知己少青年况負好山多
今朝高會須拌醉後夢尋歡奈遠何

齊山訪華家邨

宋華殿帥岳以諸生劾韓侂胄下獄侂胄敗放
出登嘉定武科第一卒以謀去史彌遠被害錄

池人宋史作
西華人誤

瘦石又生齒僧言此華邨棄觚張義膽請劍襖奸魂孤
鶴荒邱守千鴉舊砦屯寒香吹不斷猶有古梅存

公著
翠微

南征錄有木瘦石生
齒山寒梅未花之句

哭凶女二首

年十有
四而殤

閱世短如夢從頭憶爾身兒嬉梨讓弟孺慕棗貽親送
我征車去寧衣繞膝一編畱女誠痛絕授書人
爾母終年病吾親雨鬢蒼愛憐綠爾慧菽水代吾將活
火朝鑪煖清風夕簟涼何堪遲暮景回憶斷枯腸

舟中回憶齊山

齊山秀出樓山東遙拱九朶青芙蓉
玲瓏樓閣空中結
百孔聰明透冰雪十年難得登翠微
一遊又與家山違
白雲遲遲出巖洞爲我遠送征帆飛
帆飛混茫杳然去
回首峯峯盡煙霧但聽滿耳波濤聲
不見華松棲鶴處
江風吹夢忽飛回老鶴顧我還疑猜
清唳一聲萬花笑
劃然三十二洞金扉開我疑中有縹緲之瑤臺
集仙橋
上望仙來仙人不來心悲哀不願仙人賜丹訣
只願人生不離別

山有華家松相傳
華公岳手植者

雲浩齋詩稿卷二

貴池桂超萬丹盟

夢於潛章西漁巖同年

長別淚沾巾癯顏又一親分明梅樹下同看嶺頭春爾

室分餐急吾家照菽貧孤兒未成立愁負夢中人

西漁安貧

力學身後家無立錐余揣其子入
袁江館教之未成又將北上矣

謁史閣部祠因憶吾邑有馬副將應魁汪副將思

誠程參將宗燾皆慕內殉難者詩并弔之

二豎居中正姪才侯封四鎮又羣猜孤城駐節悲天遠
幾將揮戈挽日回身是怒螳當巨轂魂俱化鶴守寒梅

江頭痛煞陳書客，髮長號萬壑哀。

吾邑劉伯宗史公所薦立也。曾上書

陳恢復哭公詩用謝躬髮集韻

平山堂

昔聞歐文忠登堂，舒素懷觴詠。匪自樂此意，民與偕踴。
事殊不然，穿鑿成蓬萊。平地起巖岫，連天撐樓臺。月光
雜鎧光，照耀邗水涯。金鴨赤棒排，長官樓船來。紅粉隱
珠簾，酣歌笑語陪。歡聲正裊裊，忽聞哭聲哀。籲天呼父
母，報道秋田災。願公移棹視，暫輟流霞杯。停杯怒衝冠，
奸民欺予哉。不見平湖中，蓮花猶盛開。

乞婦行

朝過海陵城，清秋散炎熱。道旁有乞婦，哭聲何淒切。停車慰問之，滄桑難具說。吾舅此州牧，勢焰亦云烈。十載富貴場，豪情恣歡悅。罷職戀繁華，城南滯歸轍。車馬猶喧闐，姬姜并羅列。朝露何遽晞，人事易蹉跎。夫婿遊蕩兒，身家齊瓦裂。顧影憐孤鴻，空拳左右掣。饑餐古廟風，寒臥郵亭雪。漂泊年復年，朱顏已凋折。素月流秋光，山氣清澈忽。夢入高門當戶銀屏設，蘭房寶鴨熏蕙帳。金絲結手持玳瑁梳，腰佩珊瑚玦。雜劇百般陳，一少時閱烏啼驚心魂，獨聽流泉咽。

野鳥二首

刺白下正覺寺多僧也

野鳥有巢禿鶯摧之曷爲摧之曰予取以改爲縱爾者
誰鴟鴞助其威吁嗟野鳥將安歸

野鳥有匹禿鶯離之曷爲離之曰予取以爲雌誘爾者
誰鴟鴞爲之媒吁嗟野鳥將安飛

謁陳都諫敬宗成仁祠

靖難兵入公縋城出促上游援兵燕軍獲以獻
詔復其官公以麻服見上書請立惠帝太子坐
腰斬臨刑賦詩二首在血衣中有落花逐流水
砥柱不隨波之句萬曆時始爲建成仁祠

國破臣身在辭官就檻車鬼門方避位麻服請迎儲抗

疏霜飛簡題詩血染裾年年瓜夏水江上渺愁予

九華舊有半山土地祠俗以其神爲韓文公青陽

吳六宗伯襄徵時讀書山中請命大吏毀焉過

其遺址有感而作

君不見北斗在天臨中宮又不見泰山在地羣岳宗誰
將巍巍昌黎公作佛衙官當其衝憶昔元和扇邪風龍
車迎佛金殿中霹靂一聲公奮擊庶幾穢骨爲沙蟲白
日晦盲天不聰潮陽遠涉波洶洶鯉魚使歸大海窟袞
袞尙罩名山峯咄嗟世路何夢夢緇流醉飽黔黎窮藍
關雪擁秦雲封翻云佛譴丁乃躬不有吳公作砥柱誰

卷之二
挽百川流向東，嗚呼誰挽百川流向東。

歸鶴亭呈廖都轉復堂夫子

公如二分明月自天照，綠楊城郭清輝到大開。廣厦庇
單寒，餘瀝飼鶴鶴舞蹈，政暇與客調清琴。雙鶴按節能
知音，公指一鶴在嘉樹前，宵雪裏曾飛去，脩翎一舉知
何鄉。瑤池瀛海天茫茫，東風吹起嶺梅綠，斲湖水暖象
鼻浴在陰，隻影時悲鳴空憶仙姿絕，塵俗三旬忽帶孤
雲來，空中凝睇窺樓臺，幾將落髮猶翫向人昂昂如
欲語，舊侶奮翻忙，歡迎臨池對影交，和鳴匪圖後，鶴尋
前盟竹西亭畔營新亭，靈鶴不老亭不傾，我願公與亭

鶴俱千齡年年養遍江南士多士來歸亦如此

哭陳司寇鐘溪夫子二首

梁木崖崩忽折傷閔庭日瘦晝無光燕雲尙護西曹棘

閣海空爾南國棠法歲治輔弼星沈愁

帝座門闕望斷泣萱堂報恩未了生平事泉路迴看淚

滿行

幾年塵尾接深談森立階前珠樹三佛選律嚴懲鬼怪

般門材富貯榷棊家畱陰德黃金盡官飲清名白水甘

無數孤寒齊下淚岵山流到大江南西蜀江南皆公視學典試處

孝廉會文堂懷周夢巖作梅同年

獨對蜀岡月梅花照影寒君歸近庾嶺先我一枝看夢
怯江波險魂飛吉水難何時尊酒共春信報長安

小金山

江流赴海不肯回金山橫截撐樓臺熊蹲虎踞高萬丈
崇朝飛渡邗溝來峻嶺不待愚公遷驅石焉用秦皇鞭
巨靈拍掌顧而笑但須百萬鑿中鑿築金山填金穴家
費耗盡人力竭商豪瞬息恣歡悅吁嗟乎阿房閣十步
建章宮千門直從海外移崑崙崑崙臺瑤闕世無比不見
山山流血痕

廣陵牡丹

士女如狂畫艦中
李唐實啟愛花風
當年傾國瓊臺在
又進楊家一捻紅

揚州傍花邨看菊

家家花下設杯盤
月月花開泛木蘭
此是柴桑孤隱客
等閒當作牡丹看

江行

岸澗曉風生孤篷
天際行寒雲愁岫
色落葉亂潮聲
野戍尙鳴柝中原已洗兵
江波願長息無使白鷗驚

接奉先母

旌表恩旨蔡紀八首

皎皎白玉光詎可埋塵埃母年昔週甲衆賓上庭階歡
言指我閭綽楔須安排舉觴告阿母母意不可回云彼
孤芳蘭無言老山隈松柏求後知本心先已摧傷哉飛
鳳函未令親手開立節非爲名名亦隨之來

兒學慙承叔母勞逾敬姜昔隨省父墓時兒名舉鄉伏
地母拜泣矢言告冥茫二老安窳窳孤兒能文章吾生
事已畢同穴來君旁兒聞心骨悲默禱祈壽康壽康不
可期仰首問彼蒼

髻齡兒就塾衣履敝復縫諸友服粲粲並立有恠容母
言兒學古識趣何卑庸書學如善織文繡出其中羊質

飾虎皮華采徒相蒙
夢此時覺挾纒初在躬
回視母衣單百結臨淒風

少小謁祖像如見先祖
存整衣學拜跪指告母
諄諄爾

先傳楚王格心繪圖陳
璫勢始炎炎歸隱滄江濱

先補凡公

明神宗時爲楚府長史以格心圖傳王時大臣交章薦公公卽引退江南大儒風累葉未

涇淪逮享爾曾祖樂育越七旬爾祖貽爾父窮經守此

貧曾祖環峯公祖沁齋公父予侯公皆名諸生教澤猶存鄉里論世數明德待爾希

達人達人尙忠孝勉哉爲子臣

昔逮大父存孫纔識數方呼之趨榻前提攜告語詳吾
家拙生計薄田逢歲荒爾母勤紡績十指謀稻梁稻梁

進我膳自餐乃秕糠爾生不努力何以揚芬芳祖母享
遐齡見孫餽膠庠常常述祖言泣下沾衣裳

深池固象龍斗水亦活鮒四壁饒清風餘粒輒分哺推
惠豈云周誠意非干譽乞者方踵門食者遽停箸兒慮
母減餐母云宿飽故明晨縱斷炊今夕仍助賻鄉里聞
恩綸感泣淚如注泉壤知不知茫茫問何處

疇昔赴公車兩載離故疆抱痾母信來驚痛速歸裝入
門不見母鳴號心悵悵泣聞誦遺言道兒無毀傷兒貧
謀祿養受養吾未遑功名容易就立身難爲防慎求仁
者粟吾其享馨香少小兒累母百計爲兒忙長大解反

哺負米終天望

兒性幼不慈呼婢問生暝母曰兒來前此亦人子身讀
書先器識和光常問問恩慈德可緩不聞以怒馴守訓
逾十年養氣猶未純愛日夢萱堂祥雲降

楓宸恤下親之惠恤釐

君之仁眇眇韋布軀何以答

君親

淮陰偶感

種花速作花唐花不再開樹德望報德德乃怨之媒漂
母飯王孫豈思千金來王孫責報奢走狗良可哀不如

身之... 卷二
老嫗誠空負丈夫才

渡黃河有感

人身有血脈滯塞百病生黃水不入海怒湍安肯平昔
聞斬文襄海門勞經營自從廢舊防雁戶時嗷鳴三載
慶恬瀾導海功既成肅肅河臣風信如淮水清金隄亂
石護豈曰非堅城河身弗填積海口斯流行時河帥爲
黎湛溪先
生

泰山

世界大如許滄瀛只一杯紅輪出波底夜照蓮花開白
鹿客騎去金雞誰喚回

朝廷望中甫仗雨降英才

桃花林行

途中憩桃花林下見大府有禁習邪教曉諭作
桃花林行

桃花解笑不解語落英隨風下溪渚溪流一派是仙源
隔林好鳥啼紅雨林外大府明諭頒多方鎮撫開愚頑
乃知前歲鼓鞳震烏合蜂騰此蹂躪蹂躪輒敢窺官巷
天揚赫怒天兵降九月月白霜飛宵長空無雲雷雨號
迭雷一聲逆膽碎靈雨一陣妖烽銷餘醜復向滑城徙
高壘深溝勢可倚悲哉無毀飛蛾身一撲盡歸紅焰裏

乳爾哺爾誠劬勞爾忍爲獍爲鴟獨不見古來張角
與黃巢彌天兵氣終蕭條又不見渤海之盜買牛耕牛
背歸來夢不驚蒼生故硯空磨折赤手焉能掃鯢穴但
願年年桃林叢夕陽牛馬眠花紅

讀晉書八首

魏主欺孤漢祚傾天開典午報施平要知赤舄當朝坐
又兆青衣下殿行請劔莫伸誅賈志臥冰難掩拜昭名
曹家弟婦王家母百卉凋零賸文貞

雉裘纔進付爐煙初政非無僉德傳臥轂未能臣范滂
禦戎底事參劉淵誓戮道三關掃鐵鎖吳江一炬然

不是五千宮妓入綏師誰信巨源賢

痼疾難施扁鵲鍼傳劉空抱救時心窮奢敝俗開金谷
誤國清談起竹林三窟早知夷甫狡重淵果見茂先沈
可憐嵇氏濺衣血爭及王家樹淚深

輕拋此座誤蒼生不管銅駝莽棘荆寇起中宮眞虎悍
官邀虛廩盡蛙鳴溺權總蹈三楊轍墜節空飛二陸聲
只有季鷹歸思惡秋風江上啜蓴羹

自違江郭老成謀鼎沸中原戰未休虎鬥漫開嘶馬鬣
鯨封宜在化龍秋枕戈知己連河朔給鎧綠何吝豫州
忍把兩官秦越視遂教圖讖說犧牛

靜鎮三朝相國籌神州未復是誰羞也尋故節希蘇武
不記新亭笑楚囚運甓將才全奮袂鬻環婦女亦同仇
夷吾勲業真堪再敦峻何因入石頭

廢立憑權等折枝太阿誰付此公持料奸賢尹徒教昱
赴難家風不念曩智士換鵝林下老雄才捫蝨敵人資
出山羞煞書空者管葛無能抗霍伊

秋葉無端遘疾風戰能使鶴謝家功纔經妙手支殘局
誰遣纖兒壞法官陷座羣臣雜鼠竄奮戈草澤又梟雄
武陵早有桃源境石隱何勞皇帝充

悼亾詩

知已世難得同夢情易牽同夢復知已忍見中道捐公
草我遠行痛失北堂萱臨殯爾縫衾饋食爾陳遵哭望
陟岵人魂飛到幽燕再往愛女殤春風啼杜鵑至今喚
女聲時聞夢寐間昔我從外來遠物攜茆茆下問昆季
好上媚高堂顏人情怨向隅爾云夫子賢卽以處家意
卜我報

國年報

國無階梯望眼隔重泉泉臺骨已冷征夫猶未旋別緒
紛如麻彌留無他言手執穉兒衣道兒無涕漣爾父心
光明勞愛罔所愆我歸入空房聞此心如煎鴛鴦那長

聚鴻雁亦孤眠達人齊死生何爲呼蒼天中夜起裴裒
褰帷月影穿忽看嫁時鏡對月仍雙圓

春夜

東風出林杪捲簾花滿天感此傷我心花落難再鮮佳
人不可遇夢裏見容顏春宵夢苦短良覲亦孔艱起倚
庭前樹手理朱絲絃撫絃不成聲孤鴻來翩翩鴻飛杳
然去吾亦抱琴眠側聽穉兒啼呱呱我母憐夜半摩其
頂飢飽中心牽生我巳勞瘁又堪累衰年屋角慈烏鳴
淚下如流泉

懷玉研農夫子關外

憶夢榆關外春筵出使車磨冰書短檝戴雪豎高牙苦
憶江南地香生巷口花願長依北斗其奈碧雲遮

容齋詩稿卷三

貴池桂超萬丹盟

弔趙文節公從容堂遺址

公諱昂發宋池陽別駕元兵至刺史王起宗棄
官走都統張林迎降公與夫人雍氏同殉難

雙節堂猶在年年薦白茅血痕化碧樹萬古枝柯交上
有西池鶴來棲南向巢哀哉棄城吏燐火泣荒郊

公墓在城

南率水皆連理

故友章西漁子熙祿喜王容齋蒙泉兩司馬留署
教養詩以謝之

孝標矜葛屨堯夫助麥船古道篤朋舊不以生死遷匪
欲生者懷但爲死者憐雛鳥墮故巢窮鱗脫重淵苟無
援手人敢望再生全高允廣濟物祿位保百年楊寶富
陰隲漢貂累世延盛德豈望報好還理在天義風可復
作君爲天下先

冬雨嘆

夏月無雨冬月雨
熒熒烝黎亦良苦
昨聞邨巷鎖千門
冢家遠去攜兒孫
前路迷離盡煙霧
愁聽飢鳥啼不住
亂鳥有翅能飛翔
可憐露宿泥沾裳
朱門深閉壓梁肉
那舍鴛鴦鳴餘粟
吹簫縱分穉米來
濕薪沈竈空裋衷

呼天籲地歸未得不齋妻兒生路塞媒橐飽滿人價輕
一別重逢須再生星分雲散傷如何歸途陰雨猶滂沱
朔風吹雨釀雪白誰念陌上無衣客

篋中檢得堂兄鷓鴣程

雲萬

梅花遺賦潛然有感

忽披塵篋有煙霞回首騎箕鬢未華怪底文心冰雪浣
君身前劫是梅花

東姚鐵舟茂才

翔

月出東城隅秋空無纖塵飛來入我牖清光殊似君君
臥袁安雪終年長閉門把卷遞歌哭舞蹈皆天真出則
登高峯亦或循水濱坐石理朱絃逸響干青雲古曲知

者希相知惟古人

謁金侍郎祠

公諱焦從明惠帝入蜀事載程濟從亾日記時
與黃侍中陳都諫稱貴池三忠

生未歸來池水悲大師遁去遠追隨只今猶見西山鳥
夜雨哀鳴拜子規

過劉伯宗

城徵君隱居故址

明季勢如撞風船榜人乘舵鯨鯢顛衝入海波濶無岸
孰爲估客圖生全吾鄉伯宗天下士閉戶著書三十年
聲動朝廷下徵詔金印斗大瓊璧圓何爲蒲輪日三趨

捧印操壁猶遷延上言臣友吳應箕良醫醫國癥痼痊
魏公片言抵十萬留侯尺箸摧八千廣廈需此棟梁木
臣處其間克一椽斯人不出蒼生憐燕山閣部方旬宣
迫公北上俄南旋儀揚出鎮公憂煎馳書論事如犀然
公才直拍樓山肩仲舉高風思避賢圍棋閉煞東山著
公亦歸耕南郭田田間兩道分著鞭柴市殉國柴桑眠
天乎不憖遺一老誰收忠骨荒山邊樓山殉節公
冒險葬之

跋鷲文四兄陶詩說後

選後詩愈富刪後詩已亾所亾在真性非無雲霞章正
聲不終歇六代一柴桑讀書嗤甚解豈爭字句強嘈嘈

晉宋間世界忽義皇棲身桃花源凡夫焉能望漁人導
前路從此通津梁元酒和太羹此中人共嘗若使刻舟
求雲水還迷茫

都中喜侍汪大宗伯瑟菴夫子年餘講示經義出
都賦此以誌依慕

贈我明月珠精光徹八區斯文久沈晦夫子闢榛蕪春
暖雪花瘦庭深鶴影孤此行戀山斗倚馬獨踟躕

孤松行

孤松高矗天其上棲鸞鳳銅柯吐喬雲鐵幹凝清霜顧
影成龍鱗風雨疑飛翔匠石捐棄之空谷潛輝光嗟彼

同岑木弱植紛成行小者用爲椽大者用爲梁秋聲萬
壑號猿鳥爲悲傷悲傷顧何爲精英亦孔長堯棟待垂
度魯楠需般量脫非大匠門一斲良材戕長材供短用
何如蓄山岡

水車行

一寸霖一斛金擊鼓告天天關深眼欲穿背欲爍長日
炎炎恣威虐田苦遠岸苦高重重接卸人力勞殫百壺
食千簞貨傭饋餉何艱難朝典衣夕質屋贖屋贖衣待
新穀穉稭活輓轡歇河水乾井水竭車乎車乎爾猶龍
龍不得水亦何庸南風爾何爲助熱扇紅鑪千疇盡龜

坼萬命同魚枯天惜一滴如珍珠鳥有巢吾無廬奔馳
飛電愁露居樹有皮吾無襦冰天雪地將何如未遑籌
到三冬後塵竈且欲延斯須秋畦重望稻孫長明星夜
夜懸白榆焉得榆皮充朝餉只怕胥吏還追呼蒼蒼者
天民何辜不敢怨天怨我車使我力竭囊空虛囊虛淚
盡車亦裂旱魃弄人猶未絕

哭維揚朱春孚

經甲茂才

古道今餘幾芳蘭忍見摧淒風號萬木都爲故人哀濟
旱慈航在

君嘗設
有義倉

扶孤義魄來陳平與范式識面九原

纓君與章西漁孝廉非有
纓舊交聞余言爲恤其孤

登郡署節愛樓同蔡雲橋桐太守

喻公遺愛此樓存

喻公成樓外

人煙紅葉邨雲氣隱彌

三固缺江聲勢挾百牙

池陽城北有三固水口百牙

山愁深王粲家

非遠榻下陳蕃酒正溫

時太守延余課兩公子

隴畝忽驚餘粒少

飢鴉繞樹噪黃昏

遊九華四首

憑高縱目望乾坤何寥廓百鳥披風翔人意與之樂聞

茲葛井旁種有長年藥曷不撥雲采青霄插吾腳天然

開丹鑪玉髓聳峭嶠渺矣果老驢馭哉子明鶴只恐珠

宮扇丹訣祕金鑰

東巖半銜月，忽照西巖松。松杪飛泉鳴，坐聽塵心空。回
念十年來，奔走隨飄蓬。風沙緇我衣，波濤撼我胸。方知

箕穎巢，卽是蓬瀛宮。卻讓費子直，獨占少微峯。

唐費冠
卯九華

士隱

昔有方士言，青蓮我前身。此語誠荒唐，斯人神所親。當
時金殿上，奴使高將軍。脫鞵汚其足，洗向長江濱。花峯
九十九，奪我江頭春。春風對花笑，笑指雲中君。自願駕
下才，妾欲追麒麟。但願禹穴中，無愧巢父倫。

孔巢父不
受永玉珠

之聘

肅肅陽明祠，竹柏蔭幽壑。祠外青芙蓉，神工誰斧削。公

亦三盤子奇險屢開鑿強寇易耘鋤謹口難解脫神夢
忽交通攜手登紫閣解佩贈我刀對之啟霜鏘磨礪向
天池須臾化龍躍

有感

十指理亂絲切莫經衆手一軍宣將令切莫騰衆口衆
口喧軍心擾衆手孥絲顛倒營屋或易匠尺度多紛更
掘井或易夫九仞功難成君不見前有溫公後有晦翁
鑑成一手班馬同新唐不盡廬陵筆義例錯雜如深叢

東黃少霞

以炳

同年二首

諫果味苦淡青松色苦闌色間無改柯淡極回甘多君

子慎辨物結交當如何

衆鳥捕河魚一鶴守孤潔日啄淮水清不受濁流涅只

恐飽鶩多翻笑飢鶴拙

君以河貝
或就廣文

池陽江上懷湘潭周少宰石芳夫子

寒雲卷白雪征鴻迷不歸塔影搖風聲江水爲倒飛忽
念湘江上孤星翹紫微骨鯁

聖心親顛顛容顏非獨立抱焦琴朱絃爲誰揮

聞孫生簫雲多病寄之

莫采雲芝瑤笥希神仙亦公金母名空傳莫向俞跗扁
鵠覓良藥草根力薄難延年人生鑿開混沌竅縱如金

石亦消耗風靜條不鳴水凍波不生氣定百感平神肅
衆慮清此是萬古金丹訣洪崖浮邱不能說我曾傷春
悲秋眠不得蛙聲蛩聲喧未息金光一閃天神來游魂
頓斂愁魔摧又會盛暑泛舟泊江渚蘊隆作祟燥肺腑
此心飄然游太虛涼風習習生羅裾

池陽雜詠六首

步出城西門道有處士墳漢碑記高獲文叔一故人詣
闕救歐陽鐵鎖出風塵獲師事歐陽欬歛下獄獲鐵冠鐵鎖詣闕救之從茲東
漢俗人知師道親客星忽已遠洗耳長池濱鳴鳳翔九

霄羅者空望雲

貴水長池見經注

包公有舊井井水廉惠全願以告長官朝朝飲此泉聞
公詞色厲敷政寬爲先但逢佳士笑奚必河清年我祖
參軍公諱孟春被薦達九天齊相舉御夫千載願執鞭此
風不再得枕雪吾高眠

秋浦如瀟湘山川清以曠忽憶前朝人英風一何壯遜

國三忠殉

黃侍中
魚陳都

徽金司寇
忠敬宗

遷鼎立賢抗

明季賈池殉
國多賢最著

者有馬慙烈德魁汪節愍思誠程參
將宗嘉吳忠節應安費忠節大鑑

玉馬歸新朝何難

取將相萬壑逐東流願以一衽障文詞蒿火揚富貴浮
漚盪獨此勁草心千秋不凋喪

瀛洲丁相

緒

里三台湯相

悅

墩當年起第宅光彩誇四

鄉錦衣白晝歸駟馬馳車輪長官負弩矢七貴聯昏姻
一朝金銀臺化爲煙與雲

東風蕩湖波樹影浮縱橫吹綠上高樓樓下祀昭明後
世廢喪禮誰爲執古經爍哉孝德光匪徒以文鳴米船
賑我飢於池爲福星苟無功與德焉能萬古馨

昭諫海外聞謫仙天上宿名遺于佛中忌者驅之走垂
老臥荒江吟魂日消瘦雲出能爲霖空教戀故岫門捷
豈無徑進身羞狗竇

東族叔景芳

蒼草勿作糞濁流不濯冠補天有奇石醫貧無金丹君

心格明神

叔昔病乞身養

危扶謁關廟一飯何艱難

君爲鶴守

饑我爲松耐寒願結碧玉枝請君巢其端

接鷺文四兄書以好直言相戒答之

炎涼飽閱世情諳守黑原宜學老明
貌似太阿鋒易缺靜如明鏡影皆涵
蜂鬢休將逢人毒虎尾曾經怕客談

到底神羊存本性見邪不觸此心慙

時修池陽與濟橋有二巨猾爲盜予

獨爭之

歸梅邨

寒梅邨裏住全家裘敝歸來且息車
三百庭柯都是玉大千世界更無花
山圍屏障排雲母門對溪流浸月華

此樂肯將蓬島易，便教孤負好烟霞。

題汪杏園終天望雲圖

雲漫漫，瓊樓萬丈天。風寒將欲梯，繩從之不可攀。雲漫
漫，騎鯨一去三神山。將欲飛渡弱水無，輕翰南廬黃山。
傍窈窕，拾芳茵，不見雲中人。但見宇宙茫茫盡滄海，北
走燕山道。驅馬登崔嵬，不見雲中人。但見風沙搖蕩黃
金臺。黃金臺畔夜雨急，點點孝子淚痕滴。孝子悲號越
人泣。今日碑下泣，昔日衢中歌。朱邑祠堂桐鄉多親恩，
萬古錢江波。聞杏園父焱，卹刺史宰桐鄉等邑，有德政。江波化作雲一片，願
得遠望長相見。

奉東戴履文愛廬夫子 荷屏二首

舉世尚奔競古處幾人敦
往往竭脂膏百計媚權門
夫子寧清澗司直今尚存
上敢抗大吏下怕冤窮民
催科考最何難據要津
守拙易冷官聊以安夢魂

疇昔趨鱣堂摠衣聽談經
勉我守忠直毋隨流俗聲
風塵隔十載昨歲重叮咛
時修三回橋狡窟聞吏營
忠肝我披露直道殊難行
浮雲蔽太空白日自晶瑩
鴉鳥巢松巔安知松性貞
終焉抱前訓清夜告神明

送曹琴軒 夢鶴明府自池陽之東流

連宵話疇昔意氣凌飛霞
巨浪真龍象空拳鬥虎拳

國校南園能得士宰
宣城曾單騎擒匪
楓江忽浮棹菊水爲看花
東流有
紅杏明年搗還來問酒家